

# 2 Tesalonaeka

## Naoa itəm tatol kəiu lan itəm Pol təməte tuwin kəm iəfak min ikin Tesalonaeka

### Nəghatən əkuəkir rəha naoa u 2 Tesalonaeka

?Pah təməte naoa u? Aposol Pol təməte naoa u.

?Təməte tatuwin kəm pah? Təməte tatuwin kəm niməfak əpəh Tesalonaeka

?Nəmegəhən tahro nulan nian təməte? Netəmim tepət e niməfak, koatol nəruruən e nuwamən rəha Iesu. Koatos nian iəkis tepət, kən neen nikilat tatəht məmə inəh nəmtətin itəm tatəgətun məmə otəsuwəhən, Iesu titəlig-pa min. Kəsotitun wīrən nipəti naoa aupən rəha Pol (inu 1 Tesalonaeka). Kən neen koatən məmə Iesu otitəlig-pa uəhai əm, kən ko kəsotol wək pikən. Məto ilat koateiuə əm məto-inu koatəlpah.

?Təməte naoa u o naka? Pol təməte naoa u məmə otələhəu ətuatip nətəligən rəhalat e nitəlig-pa minən rəha Iesu.

---

### Pol təmən təwir kəm ilat

**1** <sup>1</sup>Io Pol, ne Saelas,<sup>a</sup> ne Timoti, etəhalən təwir kəm itəmat u niməfak əpəh ikin Tesalonaeka. Itəmat nəmotuwa kitiah o Uhgīn rəhatat Tata, ne Iəramərə Iesu Kristo.

<sup>2</sup>Pəs Uhgīn Tata, ne Iəramərə Iesu Kristo okuawte-in rəhalau nəwirən ne nəməlinuən kəm itəmat.<sup>b</sup>

### Nənwiwian ne nəfakən rəha Pol

<sup>3</sup>Piak min ne winik min. Nian rafin itiməhal ekəhaləto məmə ekəhaləkəike məhalən kəm Uhgīn məmə nikitiməhal tagien otəmat. Kən tətəuatiپ əm məmə ekəhalol mihin nəhlan, məto-inu nian rafin nahatətəwən rəhatəmat tatuwa matəskasik, kən nian rafin itəmat rafin noatolkeike pik

---

a 1:1 E nəghatən Kris, nərgin u Saelas in 'Silfanus' b 1:2 Rom 1:7

itamat min, kən nolkeikeən ne nahatətəən əh katutəwio matuər mətian mətian. <sup>4</sup>Tol nəhlan, itiməhal etəhalən-iarəp kəm netəmim rəha niməfak rəha Uhgın e ikin min rafin məmə nikitiməhal tagien pik otəmat. Itiməhal etəhalən nəhlan məto-inu nian rafin, itamat nəkoatətul əskasik e nəmegəhən rəhatəmat e Kristo, kən itamat motaskəlim əskasik əh nahatətəən rəhatəmat, nat əpnəpın netəm ihluə koatol tərət kəm itəmat, kən mol itəmat nakoatəto nahməən tərət.<sup>c</sup>

<sup>5</sup>Natimnat min əh tatəgətun məmə nolən rəha Uhgın o nakilən netəmim, in tətuatip əm. Nakoatos nahməən o nərəməərən rəha Uhgın, kən noan nətul əskasikən e nərətən rəhatəmat, Uhgın otəfin itəmat məmə nakotahmen-in nuwinən e nərəməərən rəhan. <sup>6</sup>Tol nəhlan məto-inu nolən rəha Uhgın in tətuatip, kən in otol nalpınən kəm ilat u koatol nərətən kəm itəmat,<sup>d</sup> <sup>7</sup>kən o nian kit in otos-ipinə namegən kəm itəmat itəm nakoatos nahməən, kitat min itəmat. Natimnat min əh okotuwa motol nıpahrienən nian Uhgın otol-arəp İərəməərə İesu itəm otisi-pən e nego e neai. In otuwa e nigəm itəm tatuəp pik ilat rəhan nagelo min itəm kotəsənən.<sup>e</sup> <sup>8</sup>In otol nalpınən kəm itəm min u kotəruru Uhgın kən məsotətəu-pənən namnusən təwir rəha İərəməərə İesu rəhatat.<sup>f</sup> <sup>9</sup>Uhgın otol nalpınən kəm ilat e nərətən itəm namnun tikə. Kən otahtosig-in lilin ilat e nigənəmti İərəməərə ne nəhag-əhagən asol rəha nəsanənən asol rəhan.<sup>g</sup> <sup>10</sup>Nat u otuwa e nian İesu tatuwa min. In otos nənwiwien o natimnat itəm təmol kəm iəfak min rəhan, kən narmilat otiwig ron, itəmat min itəmat min ilat məto-inu nəmotahatətə e rəhatiməhal nəghatən itəm eməhalən kəm itəmat.<sup>h</sup>

<sup>11</sup>O natimnat min u, nian rafin etəhaləfak otəmat məmə Uhgın otəfin itəmat məmə nakotahmen-in rəhan naunən. Kən etəhaləfak məmə Uhgın otol wək e nəsanənən rəhan məmə, nətəligən wir itəm nakotolkeike məmə nakotətəu-pən, ne wək wir min itəm tətisi-pən e nahatətəən rəhatəmat, okotol noan.<sup>i</sup> <sup>12</sup>Itiməhal etəhaləfak nəhlan məmə katiləs-ipər nərği İərəməərə İesu o natimnat itəm təmol e nəmegəhən rəhatəmat, kən in otiləs-ipər itəmat. Natimnat min əh otuwa e nəwirən rəha Uhgın rəhatat ne İərəməərə İesu Kristo.

### Etəm Tatol Təfagə Rat Agin Nian Rafin

**2** <sup>1</sup>Piak min ne winik min. Pəs ekəghat e nian rəhatat İərəməərə İesu Kristo otuwa min lan, kən Uhgın otuəfimin kitat min Kristo lan. <sup>2</sup>Etəhalətapəh məmə nikitəmat təsəht pikən, kən məsotautən e nəghatən eiüə kit itəm katən məmə itiməhal eməhalən. Katən məmə in nəghatən itəm tətisi-pən o Uhgın, o namnusən kit, o naoa kit itəm tatən məmə

c 1:4 2 Kor 7:4; 1 Tes 2:19 d 1:6 Rom 12:19 e 1:7 1 Tes 3:13 f 1:8 Aes 66:15  
g 1:9 Aes 2:10 h 1:10 Kol 3:4 i 1:11 Kol 1:9; 1 Tes 1:2-3

Nian Rəha İrəmərə tinuwa rəkis. <sup>3</sup>Sotolən etəmim kit teiuə-in itəmat e nəghatən kit, məto-inu nian əh otəsuwamən mətoarus nian itəm netəmim okotuwa tikimir min rəha Uhgın motol nəluaginən ilat min, kən Uhgın otol-arəp Etəm Tatol Təfagə Rat Agin Nian Rafin, itəm Uhgın otərəkin pahrien tətəu-pən əm rəhan nalpəkəuən əupən rəkis.<sup>j</sup> <sup>4</sup>In otuwa tikimir e natimnat rafin itəm netəmim koatəfak ron, ne natimnat rafin itəm koatən məmə rəhalat uhgın min. In əm un otıləs-ipər atip in ilis e natimnat min rafin. Kən in otuwın məpələh e Nimə Rəha Uhgın, kən mən məmə in Uhgın.<sup>k</sup>

<sup>5</sup>?Tahro? ?Nəmotaluin məmə nian emətətiğ kitat min itəmat, ematən-İpİNə natimnat min u? <sup>6</sup>Kən ninotitun nat naka itəm tətəhtosig-in etəm əh-roiu məmə Uhgın otol-arəp in e nian ətuatip rəhan. <sup>7</sup>Nəsənənən anion rəha Təfagə Rat Agin tinatol wək rəkis. Məto etəm itəm tətəhtosig-in nəsanənən əh, in otol nəhlan mətoarus-pən Uhgın otos-İrəkis. <sup>8</sup>Kən Uhgın otol-arəp Etəm Tatol Təfagə Rat Agin Nian Rafin, itəm İrəmərə İesu otərəkin in e nimətag e nohlin, kən mərəkin agin e nəhag-əhagən rəha nuwamən rəhan.<sup>l</sup> <sup>9</sup>Etəm Tatol Təfagə Rat Agin Nian Rafin otuwa mol wək e nəsanənən rəha Setan, kən in otol nat pİspİs eiueiuə min, ne nəmtətİN eiueiuə min, ne nat eiueiuə min itəm otol narmi netəmim tatiwig,<sup>m</sup> <sup>10</sup>ne nəratən pİsİN pİsİN min rafin itəm koteiuə-in netəm min u itəm kotaliwək e suatip tatuwın e nalpİNən. Uhgın otərəkin ilat məto-inu kəmotən əskasik məmə kəsotolkeikeən nİpahrienən itəm titun nosmegəhən ilat. <sup>11</sup>O nətəliğən əh, Uhgın tahl-İpən kəm ilat nat kit təsənən itəm tatol nətəliğən rəhalat tatəluə. Tahl-İpən nat əh məmə okotən nİpahrienən e neiuəiuəən. <sup>12</sup>Kən tahl-İpən məmə Uhgın otən-İarəp nalpİNən rəha netəmim rafin itəm kəsotənən nİpahrienən e nİpahrienən, məto koatəto təwİr agin nian koatol nolən min itəm tərət.

### **İəfak min okotəkəike motətul əskasik**

<sup>13</sup>Piak min ne wİnik min itəm İrəmərə tolkeike. Nian rafin ekəhaləkəike məhalən tagkiu kəm Uhgın otəmat, məto-inu e nətuounən Uhgın təmitəpun itəmat məmə otosmegəh itəmat. In otol nəhlan e wək rəha Narmin Rəhan itəm tatələhəu kalİN itəmat məmə rəhan, kən otosmegəh itəmat e nahatətəən rəhatəmat e nİpahrienən.<sup>n</sup> <sup>14</sup>Uhgın təmaun-in itəmat o natimnat min əh e namnusən təwİr itəm etəhalən-İarəp, məmə kitat kotuwa kitİəh kitat rəhatat İrəmərə İesu Kristo e rəhan nisİaiİən, ne nəsanənən, ne nəhag-əhagən. <sup>15</sup>Tol nəhlan, piak min ne wİnik min, otətul əskasik kən motaskəlim nəğətunən itəm eməhalos-İpİNə kəm itəmat e nəghatən itəm təmiət e nohliitiməhal, o nəghatən itəm nəmotafin e naoa eməhalahl-İpİNə.

j 2:3 1 Tim 4:1; 1 Jon 2:18; 4:3 k 2:4 Esik 28:2; Dan 11:36 l 2:8 Aes 11:4;  
Nol Əpən 19:15 m 2:9 Nol Əpən 13:11-13 n 2:13 Efes 1:4; 2 Tes 1:3

<sup>16</sup>Uhgin rəhatat Tata təmolkeike kitat, kən e nəwirən rəhan təmiləs-ipər nikitat namnun tikə, kən təmol məmə kitat okotələhəu-pən əskasik rəhatat nətəligən lan. Kən pəs rəhatat Iəramərə Iesu Kristo atip ilau Uhgin Tata, <sup>17</sup>okialəs-ipər nikitəmat kən mioal itəmat nakotəsanən e nolən wir min rafin ne nəghatən wir min rafin.

### Pol təmətapəh o nəfakən

**3** <sup>1</sup>Piak min ne winik min. Inu namnun nəghatən. Otəfak otiməhal məmə nəghatən rəha Iəramərə otuwin uəhai əm ikin min rafin, kən netənim okotisiiai-in motətəu-pən, tahmen əm etəmat itəm nəmotisiiai-in motətəu-pən. <sup>2</sup>Kən otəfak otiməhal məmə Uhgin otiləs-irəkis itiməhal o netəm rat, mətə-inu sənəmə netənim rafin kotahatətə e Iəramərə. <sup>3</sup>Mətə Iəramərə, nian rafin tatol rəhan nəghatən, kən in otol itəmat nakotəsanən, kən matehm wir itəmat o Setan məmə otəsəəkənən itəmat. <sup>4</sup>Kən kitat kotitun wir e Iəramərə məmə roiu itəmat nəkoatol nat naka itəm eməhalən, kən nəkoatol əm nulan moatuwin moatuwin.<sup>o</sup> <sup>5</sup>Pəs Uhgin otit nikitəmat e suatip rəha nolkeikeən rəha Uhgin ne nolən rəha Kristo o nətul əskasikən nian nəratən otuwa.

### Əsolən nolən rəha nəlpahən

<sup>6</sup>Piak min ne winik min. E nərgi Iəramərə Iesu Kristo, etəhalən əskasik kəm itəmat məmə nakotətul isəu o piatat min itəm koatol nolən rəha nəlpahən, kən məsotatigən motətəu-pən nəgətunən itəm nəmotos otiməhal.<sup>p</sup> <sup>7</sup>Itəmat atip nəkotitun məmə nəkotəkəike motətəu-pən nolən itəm eməhalol. Nian emətəhlatig kitat min itəmat, eməsəhaləlpahən,<sup>q</sup> <sup>8</sup>kən eməhalos-nəmtin nagwənən o netənim, eməsəhalos əpnəpinən. Mətə eməhalol wək pik, lapin ne lenian, eməhalol wək e nelmitiməhal məmə esəhalos-ipinənən wək əskasik otəmat o nehmən itiməhal.<sup>r</sup> <sup>9</sup>Tətuatip otiməhal məmə ekəhalətapəh otəmat məmə nakoatehm itiməhal, mətə itiməhal eməsəhalolən nəhlan mətə-inu itiməhal ekəhalolkeike məmə ekəhaləgətun itəmat e nolən itəm tətuatip məmə nakotətəu-pən.<sup>s</sup> <sup>10</sup>Kən nian emətəhlatig əh kitat min itəmat, eməhalos-ipinə lou u məmə, “Okəmə etənim tapəs wək, okol kəsos-ipənən nagwənən kəm in.”

<sup>11</sup>Ekəhalən nəhlan mətə-inu eməhalətə məmə netənim neen un itəmat min ilat koatəlpah, ilat kəsotolən wək kit, ilat iəghat tipik min, mətə kəsotolən wək.<sup>t</sup> <sup>12</sup>E nərgi Iəramərə Iesu Kristo, ekəhalən kən məhaluəh niki netənim itəm kotol nəhlan məmə okotəkəike motapəs negəsən motatig mətig əm, kən motol wək o nətəuən nagwənən nigilat.<sup>u</sup> <sup>13</sup>Kən itəmat piak min ne winik min, əsotəpouən o nolən nat itəm tətuatip.<sup>v</sup>

<sup>14</sup>Okəmә suah kit tәsәtәu-pәнән rәhatimәhal nәghatән e naoa u, kән nәkotәkәike motol mәмә netәmim okotitun mәмә in pah. Kән mәsotuwinән iuәhkir ron mәмә nәkotol in taulis o nolән rәhan. <sup>15</sup>Mәto nәsotәplanән in mәмә rәhatәmat kit tәkimir, mәto in piatәmat kit, kән tәwir mәмә nakotәhgaiir lan.<sup>w</sup>

#### Namnun nәghatән

<sup>16</sup>Kән pәs Iәrәmәrә rәha nәmәlinuән, in pisin әm otos-ipinә nәmәlinuән nian rafin e nolән min rafin. Pәs Iәrәmәrә tәtatig itәmat min itәmat rafin.

<sup>17</sup>Io Pol, iatos pen matәte әm e nelmәk nәghatән u rәha nәнән tәwir kәм itәmat. Kән e naoa min rafin ekәte nәhlan mәмә nәkotitun in naoa rәhak. Inu nolән rәha nәteән rәhak.

<sup>18</sup>Pәs rәhatat Iәrәmәrә Iesu Kristo otawte-in rәhan nәwirән kәм itәmat rafin.